



Komunikadu Imprensa

20 Fevereiru 2013

Parlamentu Nasionál aprova Orsamentu Jerál Estadu 2013 billaun \$1.6

Iha 18 Fevereiru 2013, Parlamentu Nasionál aprova Proposta Lei Nú. 2/III (1^a) kona-ba Orsamentu Jerál Estadu (OJE) ba tinan 2013 ho valór billaun \$1.6. Votasaun ne'e pasa depois alterasaun balun ho totál votu 64 afavor no na'in ida la marka prezensa.

“Konsensu nu'udar karaterística no parte integrante ida hosi demokrasia. Importante mak konsesu ne'e tenki justu, refléta povu nia moris no hatan ba interese povu tomak nian. Signifikai katak orsamentu ne'ebé PN aprova tenke hasai duni povu hosi ki'ak no mikit no ita hein katak konsensu la falun-an hodi servi deit ba interese partikulár ka interese grupu partidáriu ruma,” dehan Diretór Ezekutivu JSMP, Luis de Oliveira Sampaio.

Parlamentu Nasionál estabese Komisaun Eventuál ba Halibur no Analiza proposta alterasaun sira ba OJE 2013 nian. Komisaun ne'e kompostu hosi deputadu na'in 9: na'in 6 hosi Partidu Opizisaun Fretilín no na'in 3 hosi Bloku Koligasaun Maioria Parlamentár. Komisaun ne'e diskute alterasaun sira iha sekretu.

JSMP observa Komisaun Eventuál ne'e fasilita diskusaun no aprovasaun OJE ba tinan 2013 ho lalais tebes, maibé JSMP ezije parlamentu atu halo ke diskusaun hotu-hotu ba públiku atu promove transparensia no akuntabilidade públiku.

JSMP dúvida iha defeza ba proposta alterasaun sira ne'ebé mai hosi deputadu proponente sira. Tanba deputadu proponente sira la konstitui iha Komisaun hodi halo defeza sira nia proposta. Tuir JSMP prosesu ne'e, laduun representantivu no bele hamenus kualidade diskusaun ba asuntu ne'ebé deputadu proponente individual sira konsidera nesésáriu atu hetan konsiderasaun husi governu no loloos diskusaun husi Komisaun Eventual la bele taka ba públiku.

Desizaun finál Komisaun Eventual hatudu katak governu pruntu hamenus sira nia orsamentu millaun \$150 husi proposta inísiu billaun \$ 1.8 tun ba billaun \$1.6 no millaun \$200 sei tau iha fundu rezerva. Governu bele foti husi fundu ne'e bainhira ezejuta ona to'o porsentu 84 husi totál OJE 2013 nian.

Atu hetan informasaun kle'an favor kontaktu direktamente:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
Landline: 3323883
www.jsmp.tl